


續修四庫全書



《續修四庫全書》編纂委員會編

續修四庫全書

上海古籍出版社

四〇七・史部・紀事本末類

欽定剿平粵匪方略四百二十卷(卷一百六十五至卷二百零二)

〔清〕奕訢等撰

E284/07

欽定剿平粵匪方略五

〔清〕奕訢等撰

據清光緒內府鉛活字
本影印原書版框高二
二〇毫米寬二九六毫米

欽定剿平粵匪方略卷一百六十五 丙辰年

十一月初二日 丙辰 曾國藩文俊奏言據

義靖安三縣紳士稟稱懇留吳坤修一軍剿辦

奉新匪黨等語既據紳民合詞懇留自不宜調

開此軍以失民望擬卽札飭李元度由崇仁帶

兵馳赴廣信駐防惟此軍僅駐郡城則不能設

法籌餉若令駐紮貴溪則河口商民可以復業

聖皇聖后卷一百六十五

七屬錢漕可以徵收於餉糈大有裨益合無籲

懇

天恩飭下浙江撫臣咨行總兵饒廷選統率得勝之師

仍駐廣信府城臣等卽飭李元度之師駐守貴

溪俾該府得趕緊徵收錢漕以濟眉急玉山至

郡城僅八十里均係江西境內饒廷選之駐廣

信與駐玉山無甚區別萬一婺源開化等處有

警饒廷選仍可馳往策應李元度卽可移紮府

城如此一轉移閒於浙江之兵力無損於江西

之籌餉有益奏入

上命軍機大臣傳諭何桂清曰據曾國藩等奏吳坤修

一軍因奉新安義靖安三縣紳民懇留未便調往現

飭李元度由崇仁帶兵馳赴廣信擬令駐紮貴溪招

徠商民請飭饒廷選仍駐廣信等語該省兵餉專賴

聖皇聖后卷一百六十五

錢漕接濟若移李元度於貴溪俾河口商民可以復

業七屬錢漕可以徵收於餉糈甚有裨益玉山卽係

廣信所屬饒廷選之駐廣信與駐玉山相去本不甚

遠著何桂清飭該總兵仍在廣信留防卽婺源開化

等處亦可就近兼顧

曾國藩文俊又奏言江楚兩軍於九月初二日

飭同知李元度等分兵四營先剿宜黃初四日

舉人陳大力帶兵先到城外賊卽出城迎敵被我軍轟斃刃斃十餘人賊將望城返奔陳大力等搶占縣城東關之大通橋斷賊入城之路賊見歸路已絕沿港斜趨訓導郭式源率勇續至賊竄南關守備伍連魁等相繼追殺陳大力簇擁入城城內守賊紛紛由北關奪門而逃卽將宜黃縣城收復乘勝遂赴崇仁該處有兩城相間一河中有大橋百長鍾連升等衝入橋邊守備劉長培率二哨梟水過河彭厚坤等首先梯城砍倒點敵二賊親兵羅順高槍開城門各營護擁而入殲賊百餘名賊黨由北門逃往臨江復追殺數十名知縣費兆鎔等隨同入城於初九日將崇仁縣城收復撫州之賊初六至十一等日窺我軍分剿崇宜乘虛連日撲營周岐山

聖朝聖訓卷一百一十五

三

聖朝聖訓卷一百一十五

四

李元度等迎擊疊獲勝仗李元度等以老營軍薄商議退紮四五里許江楚兩軍聚紮一處又飛調宜黃崇仁之師回保撫州老營尙未回郡適有另股賊匪三千餘人自景德鎮竄擾萬年安仁以至東鄉勢將先抵許灣卽援撫州李元度等派把總彭大壽等帶八百人往守許灣十六日城賊大舉出犯我軍迎擊斃賊三十餘名又有援賊千餘人從流坊過河意圖夾擊官軍李元度等急派四哨往截賊忽從下游近城處偷渡水淺河寬不能截住援賊遂與城賊合犯江軍李元度等鏖戰竟日援賊一股進城一股分擾河東省城道路遂梗十七日城賊出犯先分三支撲楚軍中營經彭斯舉等擊敗另支圍撲江軍經唐得升親兵擊敗忽大股賊匪又從

流坊過渡合圍江軍將附營民房縱火焚燒唐
得升躍馬衝突手刃十餘賊馳赴中營林源恩
唐得升及從九品周尙桂等同時殉難李元度
先率陳英等往救勢已無及回營則賊來愈多
四面合圍李元度將聚積軍裝縱火自焚與陳
英等突圍而出定計直趨崇仁崇宜兩處尙有
左右兩營益以許濟彭大壽之師計完好者共
有七營暫駐該處招集潰散重加整頓以圖再
振查撫州一軍大小五十餘戰除五月初五七
月初九兩次小挫外餘俱獲勝三四五六等月
各府之賊萃於該郡尙能肅清東路外通江浙
內蔽省垣厥後傷亡過多暑疫交加臣等慮其
疲乏致挫札飭全軍退駐七里岡李元度志在
破賊堅不肯退九月克復宜黃崇仁兩縣方期

聖朝聖略卷百十五

五

軍威更振不圖分兵太多景德鎮另股援賊突
至遂致挫敗同知李元度調度失宜請
旨革去花翎同知仍以知縣降補至殉難之湖南補用
同知直隸州知州林源恩擬請
賞加道銜卽照道員例議卹都司唐得升擬請照遊

例議卹教諭耿光宣擬請照同知例議卹從九
品周尙桂擬請照縣丞例議卹奏入

聖朝聖略卷百十五

六

上諭內閣曰江西撫州之賊以宜黃崇仁爲來路同知
李元度將宜黃縣城收復乘勝遂赴崇仁收復縣城
撫州之賊屢次出城來犯疊經我軍擊退忽大股援
賊從流坊過渡合圍江軍林源恩等同時陣亡李元
度等招集潰散並紮崇仁著曾國藩等卽飭克復郡
城毋許延玩同知李元度調度失宜著拔去花翎革
去同知仍以知縣降補補用同知直隸州知州林源

恩著賞加道銜照道員例議卹都司唐得升著照遊
擊例議卹教諭耿光宣著照同知例議卹從九品周
尙桂著照縣丞例議卹

曾國藩文俊又奏言八月二十八日瑞州之賊
由西路來搗戰我軍寶營湘中營出隊擊之仍
退聚西路官軍兩路夾擊賊敗走九月初三日
劉騰鴻等由外城直趨飛蛾亭朱祖貴等由金

聖朝聖曆卷百六十五

七

川門八時甫五鼓飛蛾亭守卡之賊酣睡我軍
圍而殲之燒濟賊之戶百餘家初十日賊由西
門出隊伏於城北田畔省兵五營出隊擊之賊
節返奔十五日西門出賊二三百人護礮船上
犯北城出賊約二三千圖撲省兵營壘劉騰鴻
派兵由河岸趨西門橫截之昇大礮堵擊賊船
瑞州城內多廣東老賊槍礮最準劉騰鴻亦以

火器擅長斃賊二三百名賊隊不退我軍亦堅
立相持賊忽回頭搗戰劉騰鴻之親兵素稱驍
悍莫不一以當十刀矛並舉賊遂紛紛奪路入
城臣曾國藩九月初三日赴瑞州軍營二十日
仍回省河在瑞周視城垣履勘各路與各營官
熟商必須先斷南路臨江之接濟而後可以困
賊自二十日後賊之礮船不時上衝石鼓嶺擾

聖朝聖曆卷百六十五

八

湘勇各營之後二十七日普承堯等因南路之
陰岡嶺傳家墟等處係臨江各賊接濟之路派
黃澤遠等兩營往勦二十八日賊窺我分兵遠
出遂來撲犯老營西門出賊二千伏樹林中南
城賊數百護礮船上衝營壘劉騰鴻昇大礮至
河岸截擊賊船普承堯率寶營擊樹林中之伏
賊傷斃數百賊始遁竄入城三十日賊復以戰

船上犯陸賊二千餘人撲省兵之營壘適黃澤遠等兩營往勦陰岡嶺傳家墟者自南路歸來南城之賊卽遁竄入城當我師之全集瑞州也後路之新昌上高二縣時有逆匪回竄前經吳坤修回勦一次上高之賊復來竄踞飭知縣傳

自銘募勇五百人與新昌縣知縣沈曦營勇協同勦辦九月十七日傳自銘等率平江勇由北

聖皇聖方略卷一百六十五

九

路進新昌撥魏大伸等兩營由南路抄擊十八日馳抵上高逆匪大隊由西門來撲我軍分路夾擊又有臨江援賊數千拌死堅拒平江勇衆寡不敵卽時潰散傳自銘手刃數賊力竭陣亡曾國華劉騰鴻等以上高爲瑞軍後路不可令寇氛梗阻卽派黃澤遠等三營於十月初三四等日進勦速獲勝仗立克上高縣城查瑞州地

接兩湖爲西路要衝但使屯軍屹然不動大局

終有可轉之機上高縣知縣傳自銘募勇勦賊

力戰捐軀籲懇

天恩交部照知縣例從優議卹守備詹榮清應請照例

議卹奏八

上諭內閣曰瑞州剿匪獲勝並上高縣再被賊擾旋卽

收復上高縣知縣傳自銘募勇勦賊力戰捐軀深堪

聖皇聖方略卷一百六十五

十

憫惜著照知縣例從優議卹守備詹榮清著照例議

卹

同日官文胡林翼奏言九月二十七日派副將

顏朝斌等環攻漢陽東門該逆於鐵門關及南

門兩路各出賊千餘圖襲我軍之後顏朝斌等

佯退以誘之軍功陸得勝等又各帶勇從小路

分抄賊後俟其離卡已遠馬步隊前後夾擊斃

賊百餘名賊敗退入卡其帶傷撲港淹斃者無算十月初一日署臬司李孟羣等於東南兩路進攻五里墩山後附近賊卡賊壘前荊州將軍綿洵等往來策應李孟羣等密派兵勇會合巴揚阿馬隊疾馳而進焚燒賊壘賊出力拒我軍槍箭齊施將五里墩一帶賊壘毀平卽於五里墩前後左右進紮大營四座環掘長濠以總兵楊昌泗統之並令都司鄧清等礮船防守爲陸營援應十三日早先有武昌賊衆渡江過漢經外江水師礮船分投轟擊賊仍退竄是日三更漢陽城又出賊二千餘直撲沌口營盤顏朝斌飛調馬隊伏於隄內步兵繼進外江內湖礮船同時接應適賊衆蠡擁而至我軍槍礮齊施馬隊從旁衝出截斷賊陣四面圍擊斃賊多名生

聖朝聖訓卷一百五十五

十一

聖朝聖訓卷一百五十五

十三

擒僞總制朱長春一名十五日李孟羣等由五里墩齊隊進攻逆衆千餘拌死衝撲哨官凌益祥等負傷血戰殺悍賊十餘名賊遂敗退二十三日夜偵知武昌賊潛渡與漢陽賊偃旗息鼓欲乘夜偷竄將奔至漢口下關經李光榮等率勇擊退截斃多名該逆仍復拌命奔突又經水師礮船齊出夾攻賊大敗回巢查該逆連日逃散甚多現經我軍攻毀賊巢進偏要隘該逆已如釜底游魂臣胡林翼與李續賓武昌城外各營及提臣楊載福外江水師均嚴密扼截以斷該逆上援下竄之路務期盡殲醜類迅克堅城官文胡林翼又奏言查楊逆被洪逆所殺韋逆又捕拏石逆傳聞在九江互鬪楚北傳言不一臣等已飛咨確查刻下武漢逆勢日蹙臣等密

函熟商恐石逆情急進踞武漢而武漢逆黨亦宜防其竄助石逆頓增羽翼諸爲可慮惟有親督將士奮勉圖功斷不敢遷延時日自取罪戾同日德興阿翁同書奏言據安勇等稟稱十月二十日探悉距江浦城三四里許伏賊甚多安勇等先行帶兵向前搜擊賊見官軍勢壯不敢拒敵棄械而遁我軍追至縣城西北直越重濠

聖學聖方略卷百二十五

三

毀其土壘一面分攻東門以分賊勢俄由西南出賊七八百名意欲擾襲我軍營總舒通額等帶兵攔截槍斃黃衣賊目一名該逆始行敗退嗣因東門壁堅賊衆力向西北圍攻相持甚久甫經撤隊賊仍出巢襲我後隊兵勇折回痛擊又殲賊匪四十餘名是日總管台斐音等馬步隊及六合弁勇在寶鳳莊一帶接應並杜九猷

洲賊援亦截殺六七十名惟據探連日賊蹤由上江連檣下駛均係石字旗號多泊金陵內河並已分股潛至北岸幫守江浦等語臣等現飭浦口水軍加意嚴防相機進取

德興阿翁同書又奏言前因河臣庚長漕臣邵燦以徐郡告急咨調馬隊一千名赴援臣等當撥馬隊三起七百餘名又兵勇一千名派侍衛

聖學聖方略卷百二十五

四

蘊秀統帶業於二十三等日分起啟程旋准庚長等函稱徐州城圍已解囑將前撥兵勇暫行緩發祇令蘊秀管帶馬隊赴徐會剿現將參領富明阿所帶吉林馬隊一起千總詹啟綸所帶義勇六百餘名檄飭仍回揚營防勦吉林黑龍江馬隊兩起直隸兵四百名仍交蘊秀帶往均奏入報

聞

初五日己未福興奏言臣統兵自丹陽大營起程

南下行抵蘇州省城晤署撫臣趙德轍等以徐

州郡城被圍無兵可分商令臣移師往援臣思

徐州一郡爲南北衝要現在匪黨糾衆至三四

萬之多圍攻郡城並所屬之豐沛蕭陽四縣均

有匪蹤僞援勦稍遲則南路之清淮與該郡接

聖學集卷之五

十五

壤於揚州一軍固有回顧之憂其界連東省之

曹沂及豫省之歸德各屬關繫北路門戶尤爲

至重當由蘇州統帶前赴江西官兵一千名折

回徐州進勦一俟行抵清江卽與漕河兩臣面

商攻勦機宜迅解城圍奏入報

聞

初七日辛酉何桂清奏言易逆石達開竄踞南陵

後於十月十一日從涼潭一帶來撲涇縣之幕

山營盤經同知徐慮善等軍擊退是日石壕大

股賊匪由孝思嶺竄入涇縣十三日攻撲縣城

蔣錫光與在城文武登陴守禦夏寶慶督隊出

城迎勦十四日涇縣之賊分爲四股一攻南門

一攻東門一攻滬勇營盤一攻幕山營盤蔣錫

光馬鎮國分守東南兩門督勇奮擊夏寶慶帶

聖學集卷之五

十六

隊出城先解滬勇之圍一面直前迎勦賊勢稍

卻而幕山營盤尙未解圍蔣錫光派隊連夜往

援十六日石玉龍等援涇之師由羊溪嶺行至

胡村道路梗塞不能前進幕山兩營被圍四晝

夜衝圍而出併入城中駐守鄧紹良以逆氛去

甯國不遠該縣爲浙省門戶當派弁帶勇一千

六百名兼程赴甯國縣駐紮十七日石玉龍等

行至晏公堂遇賊接仗擊斃一百餘名行至千
子山已紮有賊卡兩座蘇朝清衝入賊卡斬黃
衣賊一名賊卽奔潰我軍乘勢踏毀兩卡進偏
東門斬獲首級三百餘顆生擒賊目八名衝圍
入城十八十九等日疊有斬馘石達開又糾合
江西江北死黨併歸涇縣賊數又增萬餘該縣
全境旱荒兼以瘡痍未復無處購覓米糧我軍

欽定剿平粵匪方略

卷一百六十五

四千餘人絕糧兩日不得已於十九夜間破圍
而出陸續回甯國縣防堵伏思石達開糾合逆
黨至三四萬之多久思占踞皖南窺伺江浙刻
下徽州一路江長貴駐守漁亭西扼祁門石埭
周天受駐紮三溪保衛旌德績溪兼顧徽浙兩
路婺源偏近江西 臣另派已革參將師長鑣帶
勇一千五百名前往防守其甯國縣一路爲內

犯浙省杭湖要隘鄧紹良先經派兵駐紮今復
將涇縣退回之師飭令合隊仍探明前途軍情
步步移營進剿宣涇二縣賊勢已蔓延百餘里
思與甯郡之賊聯爲一黨鄧紹良飭令各營以
五成扼守營盤兼備甯城攻剿以五成迎擊外
援已屬萬難支持而蕪湖等處逆援又愈聚愈
衆蕪湖對岸之裕溪口葛家圩兩處匪黨增至
二萬有餘若渡江內犯則甯國建平廣德路路
可通秦如虎建平一軍僅存一千二百名斷難
兼顧各路浙省兵勇又無可再籌 臣咨和春速
撥精兵三四千名迅赴建平甯國一帶相機防
剿並調徐州鎮總兵傅振邦前來會同鄧紹良
督師勦辦仰懇

飭下和春迅速照辦奏入

上命軍機大臣傳諭和春怡良何桂清曰皖南情形萬分喫緊逆蹤分股竄擾徽甯各處宣城涇縣賊勢蔓延百餘里儘令與甯國郡城之賊聯爲一氣則建平廣德路路可通浙省邊防實形危急著和春卽撥精兵三四千名迅飭傅振邦統帶前往甯國一帶會同鄧紹良相機力剿其溧水一路攻城各軍卽著和春速派得力大員督辦仍著何桂清嚴飭師長鎮等步

聖朝聖旨卷五十五 十九

步前進先行疏通軍火糧餉之路規復涇縣城池以杜該匪內竄至石逆由湖州而來一經糾結卽至三四萬人皆因地方被旱飢民爲其裹脅以致愈聚愈多怡良兼轄安徽省自應亟籌妥辦著速委明幹曉事大員分齎銀米馳赴甯郡一帶將未被賊裹之飢民加以撫恤免致流而爲匪其已陷賊中者亦著設法招徠俾得漸就解散則賊勢自孤剿辦亦易得手

初八日壬戌福濟鄭魁士奏言桐城逆賊節次出撲均經擊退十月二十四日探聞易賊石達開自安慶發衆數千由練潭前來二十五日臣等派隊赴五里拐等處防守並在東路要隘設伏一面令守備穆恆德等帶兵勇在黃泥岡下紮營臣鄭魁士會同秦定三登高瞭望見東門出賊萬餘分五股來撲當派余兆青等帶楚粵兵勇由中路進桂成帶熱河兵陳友勝等帶廣勇黃安邦等帶川勇由東路進滕仲武等帶陝黔兵曹遠勝等帶六勇勝勇由西路進麟瑞統領吉林馬隊分左右翼以待該逆分路而下相距百步我軍槍礮齊施殲賊無算臣鄭魁士等督各路兵勇直衝賊隊協領富和等帶馬隊從兩旁抄擊該逆大隊掣動餘黨驚潰我軍乘勢追

聖朝聖旨卷五十五 二十

嚴加防範復派金光飭時赴巢縣廬江無爲等處緝捕土匪分布已定卽於十一月初一日起程初二日行抵舒城派嵩瑞帶兵先赴桐城東路紮營查桐城之賊雖屢經擊敗惟桐城爲安慶門戶該逆勢所必爭潛太一路直通楚省援賊時來撲救必當分路進兵始可得手臣札派知縣劉兆彭在潛山募勇糾約民團知府李元華由無爲州帶勇間道急趨暗攻潛邑其無爲州防堵事宜卽責成知縣葉藩辦理臣惟有竭盡心力以期迅復城垣奏入

上命軍機大臣傳諭福濟曰本日已明降諭旨令秦定三留於桐城與福濟督辦南路剿匪事務矣桐城屢勝之後賊勢漸蹙福濟務與秦定三督飭將弁奮力進攻速將該城克復毋再延緩

上諭內閣曰福建提督秦定三著留於桐城會同福濟督辦南路剿匪事務

福濟又奏言臣甫經拔營二十六日西梁山賊匪卽會合銅城騷賊黨數千名窺伺東關吉順等督率各軍連開大礮斃賊多名該逆仍讙擁而進馬隊衝勦槍箭齊施賊衆不支狂奔四散我兵追剿十餘里查該逆詭譎百出乘臣移營之後來犯東關幸已先期飭令吉順等妥爲備禦得以立挫其鋒現仍嚴飭實力堵剿奏入報

聞

十二日
寅 丙

上諭內閣曰勝保著發往安徽軍營交福濟差遣委用十四日戊戌和春奏言臣於十月十六日由丹陽移營句容十九日同張國樞督率副將王浚等